

李文恭公遺集

李文恭公奏議卷十目錄

湘陰李星沅石梧著

男

棟 概 桓 槐

編次

蘇撫

知縣呈請改教摺子

查追參革知縣缺交庫款銀兩摺子

江海關徵收西洋各國並內地絲商各稅銀數目

摺子

附奏撥款籌備南河工需片子

查提蘇省道光二十四年分各屬交代存庫銀兩

摺子

附奏獲斤變價片子

藩司患病懇請開缺摺子

附奏委署藩司片子

審革諱盜規避各牧令摺子

奏報蘇省重運漕船陸續渡江并提浙幫跟進

摺子

清釐京控案件並將提解逾限各員先請議處摺

子 附清單

奏報江浙重運漕船掃數渡江日期摺子

請獎催餉空運漕船尤爲出力人員摺子

審辦積年逋逃要犯摺子

查明蘇省各屬上年下忙錢糧完欠數目摺子

查辦姚元變在任自縊身故情形摺子

請獎捐賑官紳士民摺子

調補元和縣知縣摺子

籌議搭放銀錢章程摺子

審結東臺縣民周紹汶控案摺子

揀補丹徒縣知縣摺子

著賠揚關短收盈餘銀兩摺子

附奏高郵州驛遞遲延有因懇請免議片子

奏報二麥約收分數摺子

請將漕項秋撥冊籍展限辦理摺子

附奏蘇松糧道押運北上委蘇州府代行片子

知縣呈請改教摺子

奏爲借署州判之大挑知縣陳請改教恭摺具

奏仰祈

聖鑒事竊據江甯藩司徐廣縉署臬司積喇明阿會詳  
據署海州知州陳在文詳淮州判朱九如移稱現  
年六十三歲直隸棗強縣人由廩生中式道光辛  
巳

恩科舉人乙未科會試後大挑一等以知縣用簽掣江

蘇借署今職道光二十年二月初四日到任前因  
感冒請假茲已就痊理宜回任供職惟現缺係屬  
借補將來補還知縣責任綦重自揣才力難勝情  
願改就教職不復回州判任等情臣等查朱九如  
由大挑知縣借署州判今於未經補還之先自揣  
才力難膺民社情願改就教職核與定例相符理

合據情請

旨將大挑知縣借署海州州判朱九如准改教職由部



照例選用除分咨部籍外謹合詞恭摺具

奏伏乞

皇上聖鑒謹

奏 道光二十六年三月二十五日具

奏奉

硃批另有旨欽此內閣奉

上諭壁昌等奏知縣陳請改教一摺江蘇大挑知縣借  
署海州州判朱九如著准其改就教職歸部照例選

李文恭公奏議

卷十

蘇撫

二

用欽此

查追參革知縣缺交庫款銀兩摺子

奏爲查明參革擬罪之知縣缺交庫款銀兩現在嚴  
訊究追恭摺奏祈

聖鑒事竊照州縣經管錢糧絲毫皆關

國帑不容稍有虧絀詎前任句容縣知縣張寬培因  
在上元縣任內徇庇家丁指官詐贓前經臣壁昌  
會摺

奏請革職發往軍臺効力贖罪業已接准部覆所有

旬容任內經手各項錢糧照例應歸現任旬容縣知縣徐德元彙同接署之王檢心等交代一手盤查迭次飭催道府委員會盤旋據徐德元稟承查王檢心等交代俟查明另行造冊結報惟張寬培在任經手一切錢糧虧短甚鉅由署江甯藩司查文經等據情轉詳當因虧數未經指明並恐抵款或有歧誤經<sub>臣</sub>等先後批飭覆查以憑會

奏一面將該革員原籍家產及寓所資財先行移咨

順天府府尹並飭司查封備抵在案茲據徐德元稟稱會同監盤上元縣毓彬弔齊冊卷逐細查核除交抵外實計虧短正款銀一萬八千六百八十五兩零開具年款稟揭等情由江甯藩司徐廣縉署臬司積喇明阿轉據該管道府揭報前來臣等伏查張寬培係已經革職擬罪之員其前在句容任內經手錢糧竟至缺交正款銀一萬八千六百八十餘兩之多實屬胆玩自應澈底根究嚴行著

追現已檄司速飭江南府將張寬培並經手丁書人等一并提解來省嚴訊因何致虧分別是侵是挪按例定擬詳辦外謹合詞恭摺具

奏伏乞

皇上聖鑒謹

奏 道光二十六年三月二十五日具

奏奉

硃批審明定擬具奏欽此

江海關徵收西洋各國並內地絲商各稅銀數目  
摺子

奏爲江海關徵收西洋各國稅鈔並內地絲商補納  
稅銀已屆關期報滿恭摺具

奏仰祈

聖鑒事竊准部咨上海等四關開市後所徵西洋各國  
稅銀應與粵海關同以道光二十四年正月二十  
五日截數嗣後連閏扣足十二箇月爲該關報滿

之期毋庸再排甲乙以免淆混又內地客商販運湖絲赴上海口岸與西洋各國交易應查明赴粵程途補納各關稅銀又戶部奏定章程各關期滿奏報之先責成巡撫核實查照倘有虧短卽行嚴參懲辦等因先後行關遵照各在案茲據委管江海關事蘇松太道宮慕人詳稱江海關與西洋各國通商自道光二十五年正月二十六日起至二十六年正月二十五日止一年關期屆滿徵收稅



鈔銀四十八萬二百三十九兩五錢八分四釐並  
代徵內地商人補納杭關贛關韶關絲稅正銀三  
萬二千九十六兩二錢七分二釐加一耗銀三千  
二百九兩六錢三分八釐除將批解動支各款分  
晰造冊循例請咨考核外將實存銀兩造具款冊  
詳請盤驗等情經臣札委松江府知府練廷璜前  
赴該關按冊盤驗去後旋據驗明所徵稅鈔等銀  
除寄存藩庫及支解各款外餘俱實存關庫委無

徵多報少情弊出具切結呈送核

奏前來

臣

覆加查核該關徵收西洋各國稅鈔及內

地絲商補納三關稅銀共計五十一萬五千五百  
四十五兩四錢九分四釐內除寄存及支解各款  
外其餘銀兩現經盤驗明確均係實存關庫尙無  
徵多報少情弊除飭將前項銀兩妥爲封貯聽候  
撥解一面查明徵收動存細數分晰造冊詳咨核  
辦外理合將海關夷稅關期報滿緣由會同兩江

總督臣壁昌恭摺具

奏伏乞

皇上聖鑒再該關徵收夷稅須試行三年後始定正額  
盈餘現係統作一條編徵儘收儘報合併陳明謹

奏  
道光二十六年三月二十五日具

奏奉

硃批戶部知道欽此

附奏撥款籌備南河工需片

再臣接准部咨籌備南河大汛工需案內指撥蘇

州捐監銀三萬兩上年秋撥銀九萬兩本年春撥銀四萬兩其銀一十六萬兩行據藩司以捐監一欸照數足敷撥用其二十五年秋撥僅存銀七萬四千三百三十八兩四分七釐二十六年春撥僅存銀一萬五千四百一十八兩三錢八分一釐計不敷銀四萬二百四十三兩五錢七分二釐惟工

需攸關緊要不收遲悞查有正項善後經費銀兩  
堪以湊足撥解業經由司委員解赴河庫交收應  
請就欵抵撥等情前來臣覆查無異除咨明戶部  
外謹附片陳明伏乞

聖鑒謹

奏

硃批戶部知道欽此

查提蘇省道光二十四年分各屬交代存庫銀兩  
摺子

奏爲查提江蘇省道光二十四年分各屬交代存庫  
銀兩循例奏祈

聖鑒事竊准部咨各省交代應於每年開單

奏報一次等因節經遵照在案茲據江甯布政使徐  
廣縉署蘇州布政使郭熊飛詳稱道光二十四年  
分各屬交代存庫除已入二三次清查及道光十

年以前官墊民欠分年攤補等款統歸本案核辦  
外其餘實存銀兩均經陸續提解業將已清各案  
隨時咨部此外尙有提解未清之處或因交案已  
居年底一時未能解清旋即卸事并歸後任接收  
批解或已結報而款冊未齊或因冊造舛錯尙須  
分別駁提且值現辦四次清查尤應核實釐剔以  
致清完存庫稍稽時日懇請統歸下屆彙報分別  
開單詳請具

奏前來臣覆核無異除飭江蘇兩藩司將應歸下屆彙報各案交代勒限分別催提趕緊完解俟提清一案卽咨結一案倘查有虧挪卽當據實參追嚴辦不任稍有延混外理合循例恭摺具

奏并彙開清單敬呈

御覽伏乞

皇上聖鑒謹

奏 道光二十六年三月二十五日具



奏奉

硃批戶部知道單併發欽此

附奏舊斤變價片子

再停發粵海關變價舊斤經內務府

奏請改發各關監督分領售變限一年期滿奏報將  
價銀解交廣儲司銀庫等因並派發道光二十四  
年揚州關變價五等舊一斤江海關變價五等舊  
一斤八兩當經前撫臣行關遵照於二十四年十

二月二十二二十九等日由委員領解回關據海  
關道議請以二十五年正月初一日起至十二月

底止一年期滿計揚州關應交稅價銀二千八百八十兩江海關應交稅價銀四千三百二十兩業經如數變齊委員解京交納咨明內務府查照在案理合遵照原奏附片陳明伏乞

聖鑒謹

奏

硃批該衙門知道欽此

藩司患病懇請開缺摺子

奏爲藩司患病未痊懇

恩開缺回籍調理竝請

旨迅賜簡放以重職守事竊照江蘇布政使文柱前因  
嗽久痰多致傷肺氣奏蒙

賞假一月調理嗣因假滿未痊復經臣等據情乞

允展假在案茲據該司稟稱自續假以來前病未能輕  
減且增咳血潮熱等症近投溫補之劑畧爲見效

而精神仍前委頓該司渥荷

殊恩本不敢自耽安逸第蘇州藩司賦重政繁力疾從  
公恐滋貽誤假期已滿懇請代奏開缺回籍調理  
等情前來臣李星沅親往察看屬實臣等伏查該  
司向來辦事精細鉤稽認真現值久病未痊良由  
心血虧損所致相應據情奏懇

天恩准予開缺回籍調理所遺蘇州布政使員缺緊要  
竝請

旨迅賜簡放以重職守理合恭摺具

奏伏乞

皇上聖鑒訓示謹

奏 道光二十六年四月初一日具

奏奉

硃批另有旨欽此內閣奉

上諭壁昌等奏藩司患病未痊懇請開缺一摺文柱著  
准其開缺調理江蘇布政使著陸蔭奎補授欽此

附奏委署藩司片子

再署蘇州布政使郭熊飛奉

旨補授直隸布政使前經臣等

奏明俟藩司文柱假滿回任抑俟新任江蘇臬司周祖植到蘇接署再行交卸在案茲文柱因病開缺適周祖植行抵蘇州應卽飭令先行署理藩篆以便郭熊飛起程北上除檄飭遵照外謹附片陳明

伏乞

聖鑒謹

奏

硃批覽欽此



審革諱盜規避各牧令摺子

奏爲審明諱盜不報及規避那改之牧令請

旨將接署知縣一并革職恭摺奏祈

聖鑒事竊照前代理蕭縣事邳州知州段洪恩於事主

郭魯濱稟報被盜延未勘訊旋即卸事接署知縣

管敬修直至事主赴府具控始行勘驗通報當經

前署撫臣陳繼昌會同臣壁昌恭摺

奏參欽奉

諭旨前署蕭縣現署邳州知州段洪恩著暫行革職現  
署蕭縣知縣管敬修著摘去頂帶勒限緝拏等因欽  
此卽據段洪恩以事主郭魯濱以竊報盜經該員  
訊明取結附卷管敬修未經查明輒卽朦詳又據  
管敬修以此案未准段洪恩移交經該員查出於  
未奉府批之前卽行詣勘等情互相訐稟復經前  
署撫臣陳繼昌會同臣壁昌  
奏請將管敬修撤任一并調省審辦欽奉

硃批嚴行究訊不准稍有疎漏欽此欽遵行司飭調段  
洪恩管敬修并行提事主人等來省委員蘇州府  
等訊據事主郭魯濱地保胡瀾鄰佑郭景士僱工  
郭四捕役歐陽忠等僉供郭魯濱家實於道光二  
十四年十月初一夜被盜撞門入室細縛事主劫  
去牛驢衣物次日報縣段洪恩竝未勘驗亦未訊  
供取結於十二月初六日御事彙案移交後任郭  
魯濱因被劫情急赴府呈控於二十五年正月十

五日批行到縣管敬修於二月初三日會營補勘  
三月二十一日通詳委無以竊報盜求免詣勘情  
事管敬修於未奉府批以前實未查出亦非正月  
十六日詣勘段洪恩管敬修前稟均係希圖避就  
竝無別故并據藩臬兩司轉據該管道府覆查揭  
報由署臬司積喇明阿覆審詳解前來臣李星沅  
親提研鞫無異竝據段洪恩管敬修呈遞親供自  
認文備規避不諱臣等伏查段洪恩係暫時代理

人員地方失事於事主呈報後未經勘驗通詳逾  
限兩箇月以上卽事本可原情酌量減議惟於被  
參後輒捏事主以竊報盜業經訊明取結求免詣  
勘爲詞飾稟文過卽屬有心諱盜未便姑容段洪  
恩業經革職應無庸議管敬修於前官諱盜之案  
直至奉府批查始行補勘通詳違限三箇月以上  
例有應得處分乃該員於被參摘頂限緝後率稱  
前官並未移交復那改詣勘月日曉曉瀆稟冀掩

其違限查詳之咎實屬推諉規避作僞取巧亦難  
稍從寬貸相應請

旨將前署蕭縣事候補知縣管敬修卽予革職以肅官  
常事王郭魯濱訊無以竊報盜情事應無庸議其  
被盜之案仍責令現任各官嚴緝務獲照例審辦  
所有疎防職名飭取補參臣等謹合詞恭摺具  
奏伏乞

皇上聖鑒訓示謹

奏 道光二十六年四月初一日具

奏奉

硃批另有旨欽此內閣奉

上諭壁昌等奏請將規避盜案之接署知縣一并革職  
一摺前署蕭縣事候補知縣管敬修於前官諱盜之  
案因違限未勘會降旨摘去頂帶勒限緝拏乃該員  
於被參後率稱前官並未移交復那改請勘月日冀  
掩其違限查詳之名實屬規避取巧管敬修著卽革

職此案仍責令現任各官嚴緝務獲照例審辦餘著  
照所議辦理欽此



奏報蘇省重運漕船陸續渡江并提浙幫跟進摺  
子

奏爲蘇省重運漕船全數催過濟墅關陸續渡江北  
上並提浙江漕船跟幫前進恭摺奏祈

聖鑒事竊照本年起運漕船節次欽奉

諭旨趕早兌開臣於上冬抵任後卽經欽遵通飭嚴督  
縣幫隨徵隨兌隨兌隨開不准稍有稽滯嗣於本

年二月初四日徒陽運河開壩臣親詣京口卽將

首幫催令出江匝月以來疊飭該管道府及遴委幹員將在後各幫上緊催儻務令破除積習儘力提前茲據蘇州府等稟報截至三月二十四日蘇松太三屬漕白糧船均已全數儻過許墅關比較上年四月初八日埽數出關之期計早十四日其浙省重運首幫亦卽挽入蘇境各幫俱銜尾遄行經臣委員分投平望一帶梭織提催跟舫北上並據鎮江府等摺報截至三月二十八日止共已渡

江船九百三十隻臣現仍嚴飭沿途文武印委各員逐程認真催儻無分雨夜加緊行走俾得速益求速及早渡江除俟浙船全數過關竝江浙兩省幫船渡江完竣另行分別奏報外謹先恭摺具

奏伏乞

皇上聖鑒謹

奏 道光二十六年四月初一日具

奏奉

硃批知道了欽此

清釐京控案件並將提解逾限各員先請議處摺

子  
附清單

奏爲清釐京控咨交案件勒限審辦並將提解逾限  
各員請

旨先行交部議處恭摺奏祈

聖鑒事竊照京控咨交案件每屆半年應將提解承審  
各遲延職名奏參議處江蘇省自道光二十一年  
以後僅將承審遲延職名隨案咨參其提解遲延

職名未經核奏臣於到任後檢查檔案自道光二十五年開印起至封印止當年准咨及上年未結京控案共有九十五起之多爲向來所未有除已審結李丹桂等五十六起外尙有未結周紹汶等三十九起察核所告事理亦有地方官審斷遲滯激之使然者而其中逞刁翻異挾嫌妄指及以田土錢債細故竝未在本省各衙門呈告輒行赴京越訴之案竟至十居七八推原其故皆由歷來承

審官因所告竝無重情或情雖稍重而事出有因  
或被累良民恐其別尋報復代求寬免遂多從輕  
議結以致健訟之徒肆無忌憚甚且有以京控爲  
生計者憑空繕寫北上名帖先向富戶辭行稱欲  
京控某人某事勒借盤費得錢卽止否則列名牽  
累又有一等無恥婦女稔知犯罪律得收贖無端  
混告更出意計之外迫發回提審尙復輾轉供攀  
務贗所欲而後已若不權衡情事分別懲辦地方

受累實深臣現督同兩司嚴飭提解承審各官將未結京控案三十九起勒限半年內埽數辦結其審斷之法恪遵定律依所告本狀研鞫不准案外株連得實者卽予申理虛誣者照律反坐如有辭行索借情事所告雖實仍將兩造一并懲辦竝嚴究有無主唆包訟之人不准稍涉遷就其狡供險健堅不成招而衆證明白毫無疑議者聲明請

旨定奪庶法立令行頽風漸挽以期仰副



皇上植躬懲頑使民無訟 意至未結案三十九起內  
周紹汶等二十九起地方官提解遲延例有處分  
相應繕具簡明清單恭呈

御覽請

旨將東臺縣知縣葛起元等交部照例議處以儆怠玩  
其餘十起核計行文提解程途各日期尙未逾違  
應俟人卷解省時再行查明辦理除將葛起元等  
遲延月日另單咨部核議外據藩臬兩司查詳前

來理合恭摺具

奏伏乞

皇上聖鑒訓示再承審遲延職名循舊隨案咨參以省  
繁牘合併陳明謹

奏 道光二十六年四月初一日具

奏奉

硃批另有旨欽此內閣奉

上諭李星沅奏請將京控咨案提解遲延之州縣議處

一摺江蘇東臺縣知縣郭起元等均著交部議處單  
并發欽此

謹將江蘇省京控咨案應參提解遲延職名繕具  
簡明清單恭呈

御覽

一東臺縣民周紹汝案係東臺縣知縣葛起元泰  
興縣知縣毓彬

一安東縣監生楊演案係前任海州知州龔善思  
現署海州知州陳在文

一蕭縣民顓孫亦樹案係前署蕭縣知縣管敬修

黃紹元代理蕭縣知縣馬鑄式

一上海縣民婦王石氏案係上海縣知縣藍蔚雯  
一宿遷縣監生黃敬堂案係前任宿遷縣知縣易  
卓梅前署宿遷縣知縣賈鎮代理宿遷縣知縣  
黃文涵

一金壇縣監生陳俊案係前署金壇縣知縣張銘  
曉現任金壇縣知縣王清渠

一崇明縣里排樊中案係前署崇明縣知縣劉果

現任崇明縣知縣熊傳栗海門廳同知周維新  
一豐縣文生田効廷及方宏謀互控案係豐縣知  
縣陳第誦

一上海縣監生金振聲案係上海縣知縣藍蔚雯  
一安東縣革兵張懷林案係安東縣知縣陳兆鵬  
一南匯縣民康載迎案係南匯縣知縣蕭翀

一安東縣客民甘石奎案係安東縣知縣陳兆鵬  
一宿遷縣民葉廷槐案係代理宿遷縣知縣黃文

酒

一碭山縣文生郭作礪案係碭山縣知縣王慶瑞  
署銅山縣知縣姚文

一丹徒縣監生戴晉錫案係前署丹徒縣知縣沈  
則可現署丹徒縣知縣莫載

一邳州民盧維嶽案係署邳州知州楊維藩

一碭山縣民丁鏜案係碭山縣知縣王慶瑞

一南匯縣民婦吳凌氏案係南匯縣知縣蕭翀

一安東縣民江同志案係安東縣知縣陳兆鵬

一寶應縣僧巨海案係寶應縣知縣楊得時

一昭文縣民陳增案係署常熟縣事江陰縣知縣

金咸昭文縣知縣毓成

一南匯縣民張寶玉案係南匯縣知縣蕭翀

一南匯縣民沈允議案係南匯縣知縣蕭翀

一新陽縣武生蔡菘案係新陽縣知縣陳溶

一泰興縣民巢兆選等案係署泰興縣知縣羅鶴



翔

一常熟縣監生沈廷柏案係署常熟縣事江陰縣  
知縣金咸

一江陰縣民郭榮案係署江陰縣知縣秋家丞  
一海州客民戴義來案係署海州知縣陳在文  
一蕭縣民周光岸案係代理蕭縣知縣馬鑄式

奏報江浙重運漕船掃數渡江日期摺子

奏爲恭報江浙兩省重運漕船掃數渡江完竣日期  
仰祈

聖鑒事竊照本年二月初四日徒陽運河開壩後所有  
起運漕船經臣嚴飭沿途文武認真催儻竝加委  
幹員分投梭織押後提前業將蘇省渡江船數及  
全幫催過許墅關日期恭摺具

奏聲明浙省幫船跟踪遄行在案嗣據鎮江府縣先

後稟報蘇省重運船隻截至四月初四日埽數渡江比較二十四五兩年計早十三日及十八日不等其浙省幫船亦已陸續放渡統計江浙兩省漕白糧船六十三幫共二千零四隻於四月十七日全數挽抵江口連值西風頂阻二十四日始行僦渡完竣比較道光二十三年計早十一日比較二十四五兩年計早五六日不等臣查本屆蘇松漕務力求趕早雖春間雨多晴少又自糧艘起運河

湖屢次守風而全幫渡江抵壩日期合上屆核計  
均屬有速無遲現仍飛飭淮揚一帶催漕各員弁  
押催浙省幫船迅卽抵壩渡黃以期仰紓

宸念所有江浙兩省重運漕船全數渡江日期理合恭  
摺具

奏伏乞

皇上聖鑒謹

奏 道光二十六年四月二十六日具

奏奉

硃批知道了欽此

請獎催僂空運漕船尤爲出力人員摺子

奏爲查明催僂空運漕船尤爲出力人員籲懇

天恩俯加獎叙以昭激勸事竊照蘇省漕務夙稱繁難

上年臣抵任之初正值浙船回空改道橫閘寸步

凍阻經臣遴委幹員會同地方官上緊迎提設法

催送始獲年前歲事誠恐歸次較晚新漕因此稽

延且松江軍船向來開行獨遲每以脫空爲慮復

經臣嚴定章程迭飭各縣幫提前兌開并責成該

管府州相機督辦不准狃於積習嗣因太倉鎮洋  
二州縣漕船離次稍緩當將州縣幫弁記過記責  
分別示懲各屬尙知奮勉卽松江最疲之幫較往  
屆亦爲迅速固由該管知府練廷璜督辦妥協而  
沿途印委各員節節催儻亦均不遺餘力統計江  
浙兩省起運幫船埽數渡江日期在近年爲最早  
查上年催空出力人員經臣奏明俟重運渡江後  
核實保

奏茲幸全漕及早北上未忍沒其微勞署常鎮道陳  
熾督率有方愼勤無間鎮江府知府沈濂勇於任  
事實力籌催但係道府大員不敢仰邀議叙暨地  
方營縣并協同出力人員均擬由外酌獎以杜冒  
濫惟查有卽補同知現任松江府柘林通判陳延  
恩捐班前先知縣許之第試用知縣邵錕上冬委  
赴橫閘回空淺阻處所一切引水濟運築壩灌塘  
以及雇船打冰集夫關纜莫不漏夜趕辦切中機



宜本年重運屆期復於各縣水次催兌催開并由江口至浙江交界校織往來祇以春雨較多西風間阻該員等多方提挽不辭勞瘁計先後在事數月均係自備資斧於冰雪泥淖之中久歷辛勤爭先恐後洵屬尤爲出力合無籲懇

聖恩俯准將卽補同知現任松江府柘林通判陳延恩遇有同知缺出不論繁簡卽行補用捐班前先知縣許之第試用知縣邵錕均以知縣儘先補用如

蒙

俞允不特該員等仰沐

鴻施益加策勉以後緊要差委咸知觀感奮興於公事  
自有裨益臣爲激勵人才起見謹會同兩江總督

臣壁昌恭摺具

奏伏乞

皇上聖鑒訓示謹

奏 道光二十六年四月二十六日具

奏奉

硃批另有旨欽此內閣奉

上諭李星沅奏查明催償漕船尤爲出力人員懇請獎叙一摺江蘇卽補同知松江府柘林通判陳延恩捐班前先用知縣許之第試用知縣邵錕經該撫派催上年回空軍船及本年重運各船在事數月不辭勞瘁均屬尤爲出力陳延恩著遇有同知缺出不論繁簡卽行補用許之第邵錕均著以知縣儘先補用該

部知道欽此

審辦積年逋逃要犯摺子

奏爲拏獲積年逋逃輪姦肆掠匪犯審明後恭請

王命先行正法恭摺奏祈

聖鑒事竊照淮安府屬民情獷悍本多不法棍徒滋生  
事端近年以來搶劫拒捕致傷捕人之案更至層  
見疊出必應將在逃未獲著名匪犯設法拏從  
重懲辦方收辟以止辟之效茲查有前河臣麟慶  
審奏張鳴歧等夥搶強搶良家女子尹了頭輪姦

案內首犯張振倡未獲當飭淮安府督同桃源縣  
追拏到案審明定擬由司覆審招解前來臣親提  
研鞫緣張振倡籍隸桃源先未爲匪犯案道光二  
十二年七月十七日張振倡因黃河漫溢居民遷  
避起意邀允已獲處決之張瀉歧乘機搶奪卽於  
是日同夥三人各執短刀駕坐船隻行至六塘河  
堤邊見有被水失散年甫十五之處女尹了頭站  
立堤上張振倡卽令張鳴歧等將尹了頭搶拉上

船撐回家內欲圖嫁賣張振倡見尹了頭少艾起  
意輪姦首先用刀嚇逼將尹了頭強剝衣褲行姦  
一次張鳴歧張瀾歧亦各聽從輪姦一次十九日  
早張振倡聽從已獲正法之張潮卿夥同張鳴歧  
張瀾歧竝已獲擬結之張振嶺張潮崗在逃之張  
潮柱韓小三子張振林張文林張振保張振興共  
十二人各執刀槍器械駕坐船隻攔搶事主張澱  
金船載秫稻將人船扣留勒錢贖回二十一日張

振倡又聽從張潮卿同原夥十二人持械搶奪事  
主韓兆宗孫會昌兩家糧食牲畜二十二日張振  
倡又聽從張潮卿同原夥十二人搶奪事主江猛  
先家糧食二十三日張振倡又聽從張潮卿同原  
夥十二人搶剝事主江畢氏衣被竝至事主劉業  
高家搶奪紬布衣服變錢俵分而散是日張振倡  
又聽從已獲正法之張小五夥同張鳴歧張鳳歧  
竝在逃之張潮柱韓小三子張振林張文林張振



保張振興史廣達共十一人持械搶奪事主胡佃  
元家糧食牲畜胡佃元攔阻被張小五推入水內  
旋經救起是日張振倡又聽從張小五同原夥十  
一人持械搶奪事主江時中家牛驢拉回變分各  
散先後拏獲張潮卿等分別問擬斬絞軍流經前  
河臣麟慶審明具

奏奉部覆准茲據續獲輪姦首犯張振倡審明擬解

臣提犯親鞫據供前情不諱查例載輪姦良人婦

女已成爲首擬斬立決等語此案張振倡乘黃水漫溢之時糾衆持械搶奪處女起意輪姦又於五日之內聽從夥衆倚強肆掠至八次之多實屬淫惡不法且該犯逋逃數年久稽顯戮未便稍事拘泥以致兇徒無所儆畏臣於審明後卽恭請

王命飭委臬司積喇明阿臣標中軍參將恩長將該犯張振倡細赴市曹先行處斬仍臬取首級傳示犯事地方以儆兇頑而快人心除將全案供招咨

部外所有審明辦理緣由謹恭摺具

奏伏乞

皇上聖鑒敕部查覈施行謹

奏  
道光二十六年四月二十六日具

奏奉

硃批刑部知道又於以儆兇頑而快人心句旁奉

硃批大快人心欽此

查明蘇省各屬上年下忙錢糧完欠數目摺子

奏爲查明江蘇省各屬道光二十五年下忙徵解錢糧分別完欠銀數循例奏祈

聖鑒事竊准部咨每年州縣應徵上下忙錢糧由藩司依限截數造冊詳報督撫專摺具

奏等因遵照在案茲據江甯布政使徐廣縉詳稱江淮等屬新賦項下道光二十五年下忙額徵地丁驛站俸工扛腳屯折蘆課雜稅公費學租並上忙

冊報未完共銀一百二萬三千七百四兩零隨徵  
耗羨銀一十萬二千六十五兩零除勘不成災緩  
徵冊江候豁又徑解江巡道蠲缺黃快丁貢舫等  
款外實應徵解正銀八十二萬五千五百一十一  
兩零耗羨銀八萬二千六百五兩零截至道光二  
十五年年底止已催完正銀一十九萬六千七百  
一十二兩零外蘆課項下溢完銀一錢零未完銀  
六十二萬八千七百九十九兩零已催完耗羨銀

咨送部科外謹會同兩江總督臣壁昌恭摺具  
奏伏乞

皇上聖鑒謹

奏 道光二十六年四月二十八日具

奏奉

硃批戶部知道欽此

查辦姚元燮在任自縊身故情形摺子

奏爲知縣在任自縊現由臣飭提丁書來蘇查辦恭摺奏祈

聖鑒事竊據江甯藩司徐廣縉等詳報署江浦縣事儀徵縣知縣姚元燮本年二月二十一日在署自縊身死經江甯府知府徐青照親詣確查詳

題開缺惟據錄送姚元燮呈府遺稟一件內有公私交迫心患怔忡無路可行此下策之語竝稱前

任知縣劉坦應交各款未卽全數移交庫書王大田那缺屯米家丁李銘朦官撤退該故員虧數約計千金各情又據家屬稟稱該故員私債較多當經臣批司確切覆查竝於本內聲明另行具

奏在案嗣據司詳轉據江甯府訊明姚元燮死無別故至前任劉坦交代竝無短少因初參未滿姚元燮亦未接算王大田將屯米墊兌漕糧李銘遺失借用銀一百餘兩現已分別催齊歸款姚元燮任



內正項無虧僅短交捐雜銀八百餘兩所欠私債亦無隨任逼索之人等情臣正在核辦間接准督臣壁昌咨姚元燮上年到省後因現署儀徵縣之孫炳煒協緝要犯未便遽易生手旋因江浦縣劉坦調署山陽由司詳請

奏明飭委姚元燮接署現據該故員胞兄監生姚黃綬以遺稟內叙有原選廣東陸豐縣奉

旨改調江蘇儀徵縣現署江浦縣事二十二字係屬致

死根由伊弟既不能到儀徵若久在江浦虧累愈大不得已行此下策等情具稟竟以不赴儀徵本任爲其自盡之由查姚元燮委署江浦係在臣未經蒞任之先飭令姚黃綬赴蘇候訊等因臣查姚元燮初任縣官權篆未久有何萬不得已遽爾短見輕生卽就遺稟所云亦未明言其故今姚黃綬藉以原稟之二十二字爲詞尤不可解自應再行澈底根究除飭傳丁書人等遴委妥員研訊確情

另行具

奏並傳姚黃綬來蘇備質一面將劉坦姚元燮兩任  
交代催令後任核實盤查外合先恭摺奏

聞伏乞

皇上聖鑒謹

奏 道光二十六年四月二十八日具

奏奉

硃批悉心究訊欽此

請獎捐賑官紳士民摺子

奏爲查明江甯等府州屬道光二十二年官紳士民捐賑銀數循例奏懇

聖恩勅部分別獎勵事竊照江甯藩司所屬道光二十二年秋禾被水致成災歉仰沐

恩綸疊沛撫賑兼施次年青黃不接之時復蒙

賞給口糧小民渥荷

皇仁生成共慶惟因頻年積歉尙有例賑不及之區而

經費有常不得不另籌接濟經前督撫臣分飭各屬督董勸捐或設廠煮賑或散放錢文各就地方情形分別辦理俟事竣核實請獎去後茲據江甯布政使徐廣縉將捐輸官紳士民及勸捐出力董事核明造冊詳請

奏獎前來臣等伏查定例現任候補官員及紳士商民捐輸義賑各按銀數分別議叙數在一千兩以上者奏請獎勵歷經遵辦在案今江甯徐州海州

三府州屬之高淳縣海州徐州衛等處道光二十  
二年秋間災歉辦理捐賑計官捐銀九千一百餘  
兩紳富商民捐銀三萬七千七百餘兩除前任海  
州知州龔善思等毋庸請獎竝士民捐銀二百兩  
以下應由地方官給匾外所有徐州衛守備慶長  
等五員捐銀一千兩及三百兩以上又紳民捐銀  
一千兩以上至五千五百兩者捐職同知楊殿珍  
等九名二三百兩以上者黃芝泉等四十三名該

官紳等或念切惻癉或誼敦桑梓好義急公均堪  
嘉尙該董事等經理妥協亦無拘勒浮冒各情自  
應分別照例請獎除將清冊咨部外相應仰懇

天恩敕部按照所捐銀數與出力董事一體給予議叙  
填照給發以示鼓勵此項銀兩係民捐民辦請照  
歷屆成案免其造冊報銷謹合詞恭摺具

奏伏乞

皇上聖鑒訓示謹

奏 道光二十六年五月二十五日具

奏奉

硃批該部議奏又於免其造冊報銷句旁奉

硃批依議欽此



調補元和縣知縣摺子

奏爲遴員調補省會要缺知縣奏祈

聖鑒事竊照元和縣知縣董用威升補邳州知州前經  
奏蒙

俞允所遺元和縣知縣例應在外揀選調補該縣地當  
省會係衝繁疲難四項兼全最要之缺且時有發  
審案件必得精明勤幹之員方資治理臣等於通  
省現任知縣內逐加遴選查有武進縣知縣孫琬

年六十一歲山東監生由捐納縣丞分發江蘇咨  
補華亭縣縣丞道光十二年

大計卓異候升嗣因催償回空漕船出力奉

旨著以應升之缺儘先升用升補今職道光十八年八  
月十二日先行任事赴部引

見奉

旨准其升補二十三年捐輸海疆經費奉

旨著賞加知州銜給予加一級欽此二十四年

大計卓異奉准部覆調取引

見在案該員才具勤明辦事老練現署元和縣知縣經  
理裕如歷俸已滿三年以之調補斯缺洵堪勝任  
其本任武進縣係衝繁疲難四項兼全要缺今請  
調補省會首邑最要之缺核與定例相符且人地  
實在相需例得專摺

奏請據藩臬兩司會詳前來臣等往返札商意見相  
同合無仰懇

聖恩俯念員缺緊要准以武進縣知縣孫琬調補元和  
縣知縣實於省會要缺有裨該員係現任知縣請  
調知縣銜缺相當無庸送部引

見任內一切因公處分例免核計至

大計卓異一案現係初次請調應完罰俸銀兩仍飭  
依限完繳清楚造冊咨部銷案所遺武進縣缺江  
蘇現有應補人員應請畱外揀補合竝陳明謹合  
詞恭摺具

奏伏乞

皇上聖鑒訓示謹

奏 道光二十六年五月二十五日具

奏奉

硃批另有旨欽此內閣奉

上諭壁昌等奏遴員調補省會要缺知縣一摺著照所  
請江蘇元和縣知縣員缺准其以孫琬調補該部知  
道欽此

籌議搭放銀錢章程摺子

奏爲銀錢輕重不均酌議搭放章程以資補救恭摺具

奏仰祈

聖鑒事案准部咨奉

上諭穆彰阿等奏遵旨會議御史劉良駒條奏銀錢畫一章程一摺銀錢竝重本係制用常經果能隨時酌核不使輕重相懸裕國便民兩有裨益未可輒稱窒

礙不思設法變通著該督撫等各就地方情形詳細  
體察悉心妥議具奏務使法立可以推行不致滋弊  
毋得任聽屬員巧爲推諉稍存畏難苟安之見僅以  
一奏塞責欽此竝鈔摺稿咨送前來臣等竊惟求治  
之道法弊則宜變法時弊則宜救時伊古以來總  
核度支權衡子母改鑄大錢者有之兼用鈔幣者  
有之其間消息盈虛要必因時爲大而徒法不能  
以自行也茲奉

諭旨飭議章程臣等卽以江蘇而言從前每銀一兩易制錢一千及一千二三百文今且一千八九百文矣洋銀一元易錢七八百文及千餘文今且一千三四百文矣論者或謂停鑪減卯可平市價乃停鑪數年而錢賤自若也減卯數年而銀貴自若也推原其故良以用銀之區非卽產銀之區則來路患其少且以入銀之數不敵出銀之數則去路患其多勢不能因流以溯原卽不能自無而之有他



如額解河餉竝歲料大汛工需蘇省奉撥銀兩率  
十數萬至二三十萬不等總須年清年款又新疆  
兵餉亦每歲撥解十數萬類皆有往無來又漕船  
津貼本非例有止可酌給錢文近日江蘇州縣亦  
多銀洋給發甚至逐年增長漫無限制銀愈重則  
錢愈輕此乃時弊而非法弊也溯查順治十四年  
徵收錢糧銀七錢三之例雖經刊入由單行之未  
久旋即中止況今昔情形不同尤未敢輕言仿辦

蓋錢糧本維正之供若令銀錢竝收或整或散數目互有奇零忽減忽增輸將幾無定則誠恐奉行不善胥役因緣爲奸豪强高下其手名爲酌劑實易差池且凡盤撥運送動需經費地方官力難賠墊必藉端倍取於民立一法又生一弊徒令善良滋累吏僧居奇轉非我

皇上因時制宜本意臣等詳細體察再四熟商所有額徵地漕等項錢糧一切悉照舊章徵銀批解其零

星小戶以錢完納者仍聽其便關稅各款亦俱照舊科徵本非苛取厲民無虞借詞抗玩惟各屬留支項下並藩關司道各庫應發養廉俸工役食工程舉凡外支外用統以銀七錢三搭放由解放各衙門查照時價易錢仍每兩扣足一千五百文給發其州縣兌漕例外津貼悉準現定錢數核實酌給不許銀洋濫用如此試行數年有放錢之益無收錢之擾以錢準銀而錢質重以銀易錢而銀價

平雖挹注無多塵露難期小補而轉移不覺銖寸  
亦戒虛糜臣等職任封圻受

恩深重事關經

國大計斷不敢畏難苟安祇此就地籌維量加通變  
似可推行無弊現已飭令兩藩司兩糧道及揚海  
兩關將每年放款數目逐一確查如蒙

俞允再行通飭遵照造具搭放清冊咨部存案仍隨時  
察看情形如果市價較現定價值有減無增卽將

搭放各款

奏請停止臣等往返札商意見相同是否有當謹合  
詞恭摺具

奏伏乞

皇上聖鑒訓示謹

奏 道光二十六年五月二十五日具

奏奉

硃批戶部議奏欽此

審結東臺縣民周紹汶控案摺子

奏爲京控審虛原告堅不成招遵例叙具衆證情狀  
恭摺奏祈

聖鑒事竊照東臺縣民周紹汶以周惻勲等吞欠竊毆  
并印莊司巡檢柯偉吸煙開賭等情道抱赴提督  
衙門呈控送交刑部訊供咨解來蘇經前撫臣孫  
善寶飭司行提人卷委員節次提訊衆供確鑿惟  
周紹汶因被控之巡檢柯偉先已飭委運銅進京

藉口狡執旋將柯偉追傳到案周紹汶無可置辯  
按擬招解仍復翻異又經添派幹員會審去後茲  
據署臬司積喇明阿詳據委員蘇州府等援照堅  
不成招之例詳請具

奏前來臣隨親提人證詳加研鞫緣周紹汶卽周堂  
又名周柳榮一名周三虎籍隸東臺其父周應鵬  
於道光十四年二月十六日病故周紹汶卽於二  
十四日妄控胞叔周應鸞霸阻家產竝擅牽繼母

周王氏牛隻經縣提訊周王氏代求寬免完案周  
紹汶轉赴府翻控並招留匪類在周王氏地內居  
住爲其叔周應鳳等呈首訊將周紹汶問擬杖枷  
周紹汶擅冒周王氏之名求免發落周王氏查知  
呈明補枷因病保釋二十一年閏三月周應鳳病  
故周紹汶播弄其子周輞勲等爭論喪費復被控  
縣訊責周紹汶知犯衆怒挈眷遷居泰興縣李家  
莊地方此周紹汶節次干犯滋訟之劣跡也周紹



汝原籍有田四十一畝草房五間於二十一年十月央武生丁長芝等作中議價四百四十文賣與周幗勲爲業外加遷移錢二十千周幗勲嫌其昂貴契內止書價錢三百六十千餘作幫項先後付過錢一百六十千餘錢寫給欠據註明二分起息陸續措還至二十三年七月尙欠錢二百千周紹汶遣妻周張氏至周幗勲家坐索旋因欠票遺失疑爲周幗勲竊去口角爭鬧周紹汶赴揚州府

同知衙門呈控未准其子周鐸將周輞勲家農船  
兩隻撐至魯恒盛行內變賣當卽追回一隻周輞  
勲向周王氏告知周王氏代爲出名控縣提訊未  
到此周紹汶與周輞勲因契價未清涉訟之原委  
也周紹汶在季家市開張礮坊與貢生耿中生意  
往來結欠米錢二百二十千至二十三年五月周  
紹汶向耿中索討耿中因係店夥經手稱須從新  
結算周紹汶不依爭吵並將茶碗摔碎欲毆耿中

就近赴印庄巡檢衙門具稟周紹汶亦捏耿中將  
欠抵作賭帳情詞赴泰興縣呈告該巡檢柯偉接  
受耿中呈詞前詣查勘因周紹汶挺撞喧鬧將其  
杖責十板詳縣提究此周紹汶與耿中因帳目涉  
訟受杖之原委也周紹汶卽寫就呈詞遣弟周紹  
祖赴提督衙門呈控交部訊供咨解來蘇委員屢  
審堅不成招詳請勘

奏前來臣親提研鞫周紹汶仍不輸服隨就所控各

情逐層駁詰如周幗勲盜取借券一節查盜券必  
圖賴欠今周幗勲承認欠錢不諱是借券係遺失  
而非盜去已無疑義又耿中欠伊米價慫恿巡檢  
杖責一節查耿中因係店夥經手稱須另算實止  
欠錢二百二十千該犯輒摔碗逞毆致被控發又  
因挺撞受責咎實自取至巡檢擅受濫責應由官  
爲查辦亦非該犯所能挾持又縣書李宏章詐錢  
未遂弊匿帳簿一節查泰興縣卷內現有帳簿已

據認係原物李宏章係印莊巡檢衙門字識竝非  
縣書又東臺縣書房廷揚撕毀呈詞將其掌責一  
節訊之通案人證僉稱該犯自遷居泰興後從未  
回籍又周輞勲等搶去錢船一節訊係該犯之子  
周鏐撐賣周輞勲船隻現有其母周王氏代爲認  
控可據又巡檢柯偉吸食鴉片煙一節查定例吸  
煙有癮方坐不准旁人首告且經前署蘇州府桂  
文燿督同候補知縣施燕辰等飭傳柯偉提同該

犯熬試一晝夜又經現任蘇州府桂超萬候補知  
府鍾殿選候補直隸州知州嚴達覆加訊試委無  
烟癮又巡檢柯偉開設賭場與耿中結盟宴樂站  
堂指喝一節旣無賭具又無同賭同盟人姓名及  
開賭宴樂年月日期更屬毫無影響乃該犯理屈  
詞窮無可抵賴輒云柯偉吸食鴉片煙係已故謝  
寶山向伊告知又云所控縱多不實現奉

恩赦總不該將伊問罪堅不成招察其狡猾情形無非

爲挾嫌誣告審虛畏罪起見近來淮揚一帶好訟成風若因始終狡執稍事遷就刁民更無忌憚查例載驀越赴京告重事不實者發邊遠充軍又審辦案件有實在刁健堅不成招如犯該徒罪以上者仍具衆證情狀

奏請

定奪各等語此案周紹汶父死未及一旬卽因爭產誣控胞叔擅牽繼母牛隻招留匪徒播弄是非致令

同堂弟兄同室操戈種種干犯妄爲本非善類又以錢債細故因被稟責挾嫌添砌巡檢吸食鴉片煙開場聚賭及結盟宴樂各重情慕越京控迫經審虛擬辦復敢屢次翻供堅不成招刁詐已極周紹汶應請照慕越赴京告重事不實例發邊遠充軍仍照例聲明請

旨定奪事犯到官雖在道光二十五年五月二十四日  
清刑



恩旨以前不准援減巡檢柯偉接受耿中稟詞前請查勘因周紹汶頂撞杖責雖卽詳縣業已擅受應請交部照例議處周幬勲承買田房拖欠價值致肇訟端復聽從周王氏混控截搶應照不應重律杖八十事犯到官在大需甘霖以前應予援免貢生耿中與周紹汶帳目糾纏係由店夥經手因周紹汶毀物滋鬧就近赴巡檢衙門指告訊無結盟宴樂站堂指喝情事應免置議周幬勲所欠田價二

百千耿中所欠米錢二百二十千飭各如數繳給  
周紹汶之子周鶚等強賣周幗勲船隻係屬取物  
抵欠飭縣查提責懲所未追回農船一隻由縣著  
令繳還餘屬無干概行省釋除供招咨部外理合  
恭摺具

奏伏乞

皇上聖鑒敕部核覆施行再該抱告在京所具甘結核  
卷相符合竝陳明謹

奏 道光二十六年五月二十五日具

奏奉

硃批刑部議奏欽此

揀補丹徒縣知縣摺子

奏爲揀員升補要缺知縣恭摺奏祈

聖鑒事竊照准調丹徒縣知縣常恩丁憂前經護撫臣

文杞恭疏具

題所遺丹徒縣知縣係衝繁疲難四項兼全要缺例  
應揀選調補該縣爲附郭首邑地當孔道政務殷  
繁且有江防事宜非精明歷練之員不足勝任臣  
等於通省實任候補知縣內逐加遴選非現居要

缺卽人地未宜一時實無合例調補之員惟查有  
青浦縣縣丞張元揆年四十八歲安徽監生由捐  
納縣丞分發江蘇咨署震澤縣縣丞道光十四年  
四月奉文准署丁憂服滿咨署今職二十一年十  
月到任試暑期滿實授初次俸滿保薦部議准其  
升用奉

旨依議欽此該員年力富強才具明幹歷經代理縣篆  
辦事均極安詳且係俸滿保薦應升之員以之升

補丹徒縣知縣洵堪勝任惟試俸未銷與例稍有未符第人地實在相需係在例准聲明之列例得專摺

奏請據藩臬兩司會詳前來臣等往返札商意見相同合無仰懇

聖恩俯念要缺需員准以青浦縣縣丞張元揆升補丹徒縣知縣實於地方有裨如蒙

俞允照例給咨送部引

見恭候

欽定該員任內一切因公處分遵例無庸核計應完罰  
俸銀兩飭令依限繳清造冊咨部銷案所遺青浦  
縣縣丞係佐雜要缺容再遴員請補合竝陳明謹  
合詞恭摺具

奏伏乞

皇上聖鑒訓示謹

奏  
道光二十六年五月二十八日具

奏奉

硃批吏部議奏欽此



著賠揚關短收盈餘銀兩摺子

奏爲揚關一年期滿短收盈餘銀兩著落照數賠繳

恭摺奏祈

聖鑒事案於嘉慶九年接准部咨奉

旨揚州關盈餘銀數著定爲七萬一千兩等因欽此嗣於

道光二十一年准戶部咨各關期滿於奏報之先

責成巡撫核實查驗倘有虧短卽行嚴參懲辦等

因奉

旨依議欽此均經轉行遵照各在案茲據管理揚關由  
開稅務署常鎮通海道陳熾詳稱揚關由開自道  
光二十五年正月初十日起至二十六年正月初  
九日止一年期滿內前任關道咸齡自二十五年  
正月初十日起至二十五年十二月初五卸事前  
一日止共徵銀十一萬三千七百四十一兩零該  
署道陳熾自十二月初五日接徵起至二十六年  
正月初九日關期屆滿止共徵銀九千六十五兩

零核計前後兩任共實徵銀一十二萬二千八百七兩零除正額銀九萬二千七百九十一兩零徵足外仍徵起盈餘銀三萬一十六兩零核與

欽定盈餘七萬一千兩之數計少收銀四萬九百八十三

兩零緣揚關由開稅課全賴北來餅豆南來紬緞雜貨絡繹不絕而南北貨船又以黃河爲要道前年臘底黃河甫經合龍遠道客商聞信較遲上年春夏之交稅數仍無起色入冬後嚴寒沍凍舟楫

不通因之客貨愈稀盈餘未經徵足自應各按在  
任月日分攤賠繳所有實徵銀兩造冊詳請盤驗  
等情當經飭委揚州府知府吳葆晉赴關逐一查  
驗該關所徵稅銀除撥解外餘俱實貯在庫竝無  
虧短亦無徵多報少情弊出具印結呈送核

奏前來臣復密加察訪揚關由開應徵稅銀委因黃  
流甫經復故客販無多又遇河道凍阻以致盈餘  
未能足額尙非稽徵不力可比惟旣已短徵應卽

著賠計前任關道咸齡應賠銀三千九百八十四兩零除飭令按限賠繳竝將短收盈餘銀兩分別額內額外開具職各咨部其支解各欸另行造冊詳

題外臣仍諄飭該道常駐關署設法招徠力除積弊務使稅餉日有起色藉裕度支謹將揚關短收盈餘銀兩著落賠補緣由恭摺具

奏伏乞

皇上聖鑒謹

奏 道光二十六年五月二十八日具

奏奉

硃批該部知道欽此

附奏高郵州驛遞遲延有因懇請免議片子

再臣接准部咨欽奉

上諭兵部奏高郵州驛站接遞奏摺遲延一案前據該撫以水淹驛路咨請免議當經該部飭駁迄今已閱五年之久仍未據該督撫等奏明辦理實屬玩忽著兩江總督江蘇巡撫迅速查明參辦毋再遲延欽此當卽轉行欽遵去後茲據署臬司積喇明阿詳稱此案前經行提驛書人等來省訊明實因水淹驛

路報明用船遞送未能如馬迅速一遇風雨黑暗  
人力難施更兼是冬大雪積深數尺人馬難行又  
因河凍敲冰繞湖遠行等事以致接遞稍稽時刻  
取具切結詳由各前任撫臣援案咨部免參嗣  
兵部以高郵州接遞遲延雖屬有因但此案係具  
奏之件應由該省奏明辦理尙有吳江等縣驛接  
遞遲延核其情節稍有可原始從寬宥在案欽奉  
前因復經委員查訊無異核與吳江等縣免議之



案亦屬相符詳請具

奏前來臣查高郵州接遞奏摺遲延實出有因與吳江等縣遲延事同一例吳江等縣既經邀免議處所有高郵州接遞遲延之處可否仰懇聖恩一體准予免議出自

鴻慈除咨部查照外謹遵部行會同兩江總督臣壁昌附片具

奏伏乞

皇上聖鑒訓示謹

奏 道光二十六年五月二十八日具

奏奉

硃批另有旨欽此內閣奉

上諭前據兵部議駁江蘇高郵州驛遞遲延咨請免議  
一案當經降旨令該督撫等查明參辦茲據奏稱實  
因驛路水淹雪深沙凍接遞稍稽時刻遲延尙屬有  
因所有應議職名著加恩准其寬免該部知道欽此

奏報二麥約收分數摺子

奏爲恭報二麥約收分數仰祈

聖鑒事竊照每年二麥成熟例應先將通省約收分數

彙核

奏報茲查江蘇各屬所種二麥或因上冬天氣嚴寒  
或因今春得雨稍多以致麥粒長發未能一律飽  
綻現屆刈穫登場飭據江甯布政使徐廣縉署蘇  
州布政使周祖植查明各屬約收分數詳報前來

臣覆加察核通州屬并海門廳各七分有餘江甯  
松江揚州徐州太倉海州六府州屬各六分有餘  
蘇州常州鎮江淮安四府屬各五分有餘合計通  
省約收六分其種植菜豆等項牽算尙屬中稔除  
飭俟刈穫齊全確查實收分數有無增減另行照  
例

題報外所有江蘇省本年二麥約收分數合先恭摺  
具

奏伏乞

皇上聖鑒謹

奏  
道光二十六年五月二十八日具  
奏奉

硃批知道了欽此

請將漕項秋撥冊籍展限辦理摺子

奏爲糧道押運赴通請將應造秋撥冊籍展限辦理  
恭摺奏祈

聖鑒事竊照嘉慶十九年欽奉

上諭每年春秋報撥如有必須展限者奏明請展等因欽  
此臣查蘇松糧道每年均須押運北上所有秋撥  
冊籍歷經欽遵

奏明請展在案今蘇松糧道倪良燿督押道光二十

五年分重運漕船赴通程途較遠往返需時核計  
應造秋撥估餉之期尙未能竣事回署此項冊籍  
關係報撥錢糧必須確查收支細數核實辦理不  
得稍有率畧應請循照舊案俟押運公回之日再  
行趕辦詳咨茲據該道詳請展限前來除咨明戶  
部外理合恭摺具

奏伏乞

皇上聖鑒謹

奏 道光二十六年五月二十八日具

奏奉

硃批依議該部知道欽此



附奏蘇松糧道押運北上委蘇州府代行片  
再蘇松糧道每年押運北上該道衙門一切催提  
錢糧事件向係

奏明飭委蘇州府代行今據蘇松督糧道倪良燿稟  
稱各屬應徵本年上忙及節年徵存未解漕項銀  
兩均關緊要若途次催提未免往返稽遲請委蘇  
州府代行前來除照案飭知該道於押運起程後  
將一切催提事件飭委蘇州府代行其餘督運事

宜仍由該道途次核辦以專責成外理合附片陳

明伏乞

聖鑒謹

奏

硃批覽欽此